

PANDUAN DAN PERATURAN PEMAKAIAN DARJAH KEBESARAN, BINTANG DAN PINGAT PERSEKUTUAN

Panduan Am Pemakaian

1. Semua kurniaan Persekutuan/Negeri mesti dipakai bersama pakaian rasmi.
2. **Darjah Kebesaran, Bintang dan Pingat Persekutuan (DKBPP)** mengambil keutamaan daripada **Darjah Kebesaran, Bintang dan Pingat Negeri (DKBPN)**.
3. Jika menerima dua atau lebih DKBPN, panduan berikut boleh digunakan.
4. Pemakaian hendaklah mengutamakan **Darjah Kebesaran** diikuti **Bintang** dan seterusnya **Pingat**.
5. Jika mempunyai lebih dari satu Darjah Kebesaran Negeri dan hadir dalam satu majlis anjuran negeri berkenaan maka Darjah Kebesaran Negeri yang berkenaan boleh diberi keutamaan.
6. Pemakaian DKBPP bergantung juga kepada **jenis dan masa** majlis rasmi diadakan.
 - a. Mengikut kekananan kurniaan tersebut;
 - b. Mengikut tarikh penerimaan kurniaan tersebut; atau
 - c. Penerima juga boleh mengutamakan Darjah Kebesaran yang diterima dari negeri kelahirannya.

A. Tatacara Pemakaian Kalung

1. Kalung hanya boleh dipakai pada **hari kalung**.
2. Kalung **tidak boleh** dipakai pada waktu **malam**.
3. **Kalung dan selepang** dari **Darjah Kebesaran yang sama tidak boleh dipakai serentak** dalam satu masa.
4. Hanya **satu kalung** boleh dipakai pada **satu-satu masa**.
5. Kalung hendaklah dipakai terletak **sama labuh** (depan dan belakang).
6. Jika memakai pakaian istiadat, kalung hendaklah **disusupkan di bawah epolet**.
7. **Hari Kalung, di antaranya ialah:**
 - a. Istiadat Pengurniaan Darjah Kebesaran, Bintang dan Pingat Persekutuan (DKBPP);
 - b. Istiadat Pembukaan Sidang Parlimen dan Majlis Dewan Undangan Negeri;
 - c. Istiadat Pertabalan SPB YDP Agong / Sultan / Raja;
 - d. Istiadat Mengucap Selamat Berangkat Pulang SPB YDP Agong;
 - e. Istiadat Menyambut Keberangkatan Tiba SPB YDP Agong;
 - f. Istiadat Melafaz Sumpah Jawatan dan Tandatanganan Perisytiharan Memegang Jawatan SPB YDP Agong dan Timbalannya;
 - g. Hari berangkat SPB YDP Agong untuk lawatan rasmi ke negeri-negeri; dan
 - h. Hari-hari lain yang ditentukan oleh Jabatan Perdana Menteri.

B. Tatacara Pemakaian Bintang Darjah

1. Bintang darjah hendaklah dipakai di rusuk sebelah kiri dada.
2. Pemakaian hendaklah **tidak melebihi** tiga bintang darjah pada satu masa.
3. Bintang darjah yang terkanan hendaklah disematkan di tengah-tengah saku baju (bucunya 0.5cm dari mulut saku).
4. Jika mempunyai dua bintang darjah boleh disematkan di bawah dari yang pertama dan jika tiga dalam bentuk tiga segi dengan yang terkanan lebih hampir dengan tengah dada.

C. Tatacara Pemakaian Selejang

1. Selejang bagi Darjah Kebesaran **DKM dan DMN** (yang dikurniakan kepada Kerabat Diraja) hendaklah dipakai dari **bahu kiri ke pinggang kanan**. Lencana darjah tersangkut pada bawah ikatan reben dan terletak tepat pada jalur seluar.
2. Selejang bagi Darjah-darjah Kebesaran yang lain (**SMN, SSM, PMN, PSM, PJN dan PSD**) dipakai dari **bahu kanan ke pinggang kiri**.
3. Jika memakai pakaian seragam beristiadat (*No. 1 Dress*), selejang hendaklah **disusupkan di bawah epolet**.
4. Jika memakai pakaian kebangsaan rasmi, selejang hendaklah **tersusup di bawah bengkung**.
5. Jika memakai *mess kit*, selejang hendaklah dipakai **di bawah jaket dan disusupkan di bawah bengkung**.

D. Tatacara Pemakaian Lencana Leher

1. Majlis Siang

- a. Satu hingga tiga Lencana Leher boleh dipakai untuk satu-satu masa dengan yang terkanan terletak di bahagian atas (paling hamper dengan kolar baju);
- b. Lencana Leher hendaklah dipakai tergantung pada reben pendek (berukuran 2.5 cm) yang disemat pada perumah di kolar baju.

2. Majlis Malam

- a. Apabila menghadiri majlis pada waktu malam, hanya satu lencana leher boleh dipakai.
- b. Jika dipakai dengan *mess kit*, lencana leher hendaklah dipakai tergantung pada reben di bawah *bow tie*;

E. Tatacara Pemakaian Bintang / Pingat

1. Buah bintang / pingat yang tergantung pada reben dipakai di dada kiri. Jika lebih dari satu (1), hendaklah disusun lurus dan yang paling kanan lebih hampir dengan tengah dada.
2. Buah bintang / pingat dipakai dengan permukaan hadapannya menghadap ke luar.
3. Jika bintang / pingat melebihi dua (2), ia hendaklah disusun di atas satu palang yang panjangnya tidak **lebih daripada 15 cm**. Susunan adalah seperti berikut:
 - a. 3 @ 4 bintang / pingat: disusun tergantung **tanpa jarak; dan**
 - b. ≥ 4 bintang / pingat: disusun secara **tindih kasih** dengan permukaan **bintang / pingat yang terkanan kelihatan jelas**.
4. **Anak bintang** (*miniature*) hendaklah dipakai **hanya** pada waktu **malam**.